

حال النبي مع أهله - خطبة الجمعة

شوقي عبدالصادق

الحمد لله الواحد الاحد الفرد الصمد الذي لم يلد ولم يولد ولم يكن له كفوا احد واشهد ان لا اله الا الله اول فليس قبله شيء واخر فليس بعده شيء - [00:00:00](#)

وظاهر فليس فوقه شيء وباطن فليس دونه شيء وهو على كل شيء قدير واشهد ان سيدنا وامامنا وعظيمنا وقدوتنا ومعلمنا ومرشدنا محمد رسول الله صلوات الله وسلامه عليه وبعد. حال النبي صلى الله عليه وسلم - [00:00:20](#)

مع اهله حال النبي مع اهله وكنا مع حاله مع ربه والحال مع الرب اذا استقام استقام الحال مع كل الوجود استقام الحال مع الاهل واستقام الحال مع النفس واستقام الحال حتى مع البهائم - [00:00:47](#)

والمخلوقات كلها واذا عوج الحال مع الله لا يستقيم اي حال فازا وجدت في حالك يا عبدالله عوجا فاعلم انه ليس مع الله معتدلا اذا وجدت عوجا في حالك مع اهلك فاعلم ان حالك مع ربك فيه عوج - [00:01:13](#)

فابدأ فابدأ بتصحيح حالك مع ربك والبشرية الان حالها عوج في عوج فلا تنتظر منها صلاح لانها في مع ربها في خصام وهذا حال الانسان كما قال عنه رب العزة - [00:01:44](#)

فاذا هو خصيم مبين. المخلوق من النطفة نعوذ بالله من هذا الحال ونسأل الله احسن حال فحال النبي صلى الله عليه وسلم مع اهله او لا كان يعدل بين نسائه فيقرع - [00:02:08](#)

قرعوا بينهم اذا اراد سفرا يعدل بين نسائه فيقرع بينهم اذا اراد سفرا مهم جدا نفهم هذا القرعة مشروعة بالكتاب والسنة ففي الكتاب وان يونس لمن المرسلين اذ ابقي الى الفلك المشحون - [00:02:31](#)

فساهم فكان من المدحضين. يعني دخل القرآن وفي الكتاب ايضا لما اقترحوا على كفالة مريم. فيقول رب العزة اذ يلقون اقلامهم ايهم يكفل مريم وفي القرعة التي لم تخطر للناس على بال - [00:03:01](#)

روي البخاري ومسلم من حديث ابي هريرة ان النبي صلى الله عليه وسلم قال لو يعلم الناس ما في النداء والصف الاول ثم لم يجدوا الا ان يستهموا عليه لاستهموا عليه - [00:03:33](#)

ولو يعلمون ما في التهجير لاستبقوا اليه ولو يعلمون ما في العتمة والصبح لاتوهما ولو حبوا خمس حاجات دول او خمسة. ولا حد عاوز يعرف عنهم حاجة اصلا كأن كلام الرسول عليه الصلاة والسلام مش لنا لناس تانية. وهو فعلا كان له ناس تانية صحيحة - [00:03:53](#)

اللي تطبقوه ناس تانية اصلا لو يعلم الناس ما في النداء والصف الاول النداء يعني الاذان والصف الاول وبيتخانقوا على الاثنين. بيتخانقوا على النداء والصف الاول مية يعزي مين يقف في الصف الاول؟ يحل المشكلة بايه؟ يعملوا قرعة. ما هو الصف مش هياخذ كل الناس. والاذان واحد - [00:04:25](#)

اللي هيرفعه يعملوا قرعة قرعة صل صل يا عم. ده ان جه بدري ما بيجلسش في الصف الاول اصلا هو بيشف له اي حنة يقعد فيها وخلاص. صف اول صف اول. ده عنده معلومات ان - [00:04:48](#)

كثر الصلاة في المسجد هتعمل له مشاكل. ده هو مش عاوز يروح لا في الاول ولا في الاخيرة اصلا. ده مسقف ده راجل مسقف ومحترم قتل مستقبله وعامل حسابه بلاش الصلاة الكثير دي - [00:05:08](#)

مش الصف الاول ده بلاش صلاة كثير اصلا. لان كده يبقى فيها مشكلة. مشكلة! ده مين اللي قال لك كده ابليس! ايوة ابليس ومن

غيره! ومن غيره اللي اوحاله الوحي ده! من غيره! صف اول - 00:05:25

كلها معلومات خاصة بالدين والصوا. ولو يعلموا ما في التهجير يعني الزهاب بدري الى المسجد مبكرا. في كل صلوات حبا للصلاة سيب اللي في ايده هو اصلا ما فيش حاجة في ايده اصلا. هو في حاجة في ايده! ده كله قاعد يلعب. في ايده وتليفون. في ايده في ايده ماتش - 00:05:43

في ايده ناصية يسيب اللي في ايده تهديد هو يروح بعد ما ما يكبر تكبيرة الاحرام. اصل الامام رزل وبيطول في قراية عبال ما يخلص شوية الروح ايوة كأن الكلام اللي الرسول بيقله مش لحد اصلا في ناس - 00:06:07

ولو يعلمون ما في العتمة اي العشاء لان ما كانش فيه كهربا. والصبح لاتوهما ولو حبوا يمشوا على ايديهم ورجليهم. معقول! معقول الناس بتحب الدين قوي كده معقول الناس مشتاقة لصلاة الجماعة والفجر والصبح قوي للدرجة دي. الكلام ده بتقله جين يا رسول الله. بقوله للمسلمين - 00:06:29

لمين اللي عاوزين يفوزوا؟ المسلمين اللي عاوزين يكسبوا الدنيا والاخرة. بقول لهم هذا الكلام لاتوهما ولو حبوا. حبوا. ليه؟ ايه اللي في الفجر ده يعني؟ وايه اللي في العيشة دي؟ وايه اللي في الصلاة اصلا؟ ده الناس - 00:06:54

ناس كتير بتصلي وصفاتها ونعاتها. اه ده اللي بنسمعه ده اللي بنشوفه. يبقى القرعة فكان يقرع بين نساءه اذا اراد سفرا ما هو مش معقول هياخداهم كلهم صعب. فهياخد مين؟ ياخذ اللي قدرها هيطلعها. فانا عائشة رضي الله عنها - 00:07:14

قالت كان رسول الله صلى الله عليه وسلم اذا اراد سفرا اقرع بين نساءه يعني عمل قرعة. فطارت القرعة يعني طلعت على عائشة وحفصة اتنين في سفرية واحدة اتنين في روايات تانية ان اللي بيطلع سهمها وياخذها بس. لكن الرواية اللي معنا دي عند البخاري ومسلم. السهم السهم او القرعة طلعت على اتنين. عائشة - 00:07:42

المحافزة وكان رسول الله صلى الله عليه وسلم اذا صار في السفرية يعني بالليل سار مع عائشة. يعني يكون معها. والزوجة الثانية جامد عليها الراكبة البعير الثاني فقالت حفصة لعائشة - 00:08:14

تركبين بعيري الليلة. واركب بعيرك فتنظرين وانظر؟ قالت نعم فركبت حفصة بعير عائشة رضي الله عنه وجاء النبي صلى الله عليه وسلم الى جمل عائشة فسلم وركب فازا فيه مين؟ فازا فيه حفصة - 00:08:40

ثم صار صار ومعه حفصة حتى نزل فنزلت عائشة فجعلت رجليها بين الاذخر وقالت اللهم سلط علي عقربا او حية فبالتالي ده غني واكره ان اقول له ان اقول له شيئا - 00:09:15

واكره ان اقول له شيء السيدة حفصة رضي الله عنها عاوزه ايه تفوز بصحبة النبي في المسير ده عليه الصلاة والسلام فاحتالت الحيلة بتاعتها غير محرمة والرسول ما علقش عليها فهي امر - 00:09:47

ليس فيه شيء قالت لعائشة اركبي بعيري واركب بعيري. الا الذي بس. في السفر فاشوف وانت تشوفي يعني تغيير جو قالت لها ماشي عتاب السيدة عائشة ما تعرفش ايه الموضوع. فالرسول عليه الصلاة والسلام جه عشان يركب عشان يمشوا - 00:10:11

جه على الجمل عائشة كما هو معتاد. هي اللي معه في الايه فجھ على الجمل بتاعها وركب وجد حفصة القى عليها السلام وركب. ومشوا نزلوا عشان يستريحوا فالسيدة عائشة تمدد او تحط رجليها بين حشيش اسمه الفاخر له ريحة طيبة كده بس بتتجمع فيه - 00:10:36

حشرات وهوام الارض تتجمع فيها. تقريبا لريحته الله اعلم. وتدعي وتقول يا رب عقرب يلدغني ولا حيتي هقول للرسول ايه؟ هقول له انت غلظت وتعال اركب الجمل بتاعي سيدنا ابن حفصة دي لأ تعال هنا انت انت رحت هناك غلط ما اقدرش اقول له حاجة - 00:11:01

الشاهد بالحديث عدله صلى الله عليه وسلم. هيسافر طب هياخذ التسعة ولا هياخذ الحداشر صعب ده بياخذ مين؟ المرة دي في الحديث ده خد الاتنين. القرعة طلعت على الاتنين يعني لأ اتنين - 00:11:23

طلعت عائشة وحافضة. لو طلع حد ثاني ياخده برضو عادي لو لو قرعة لاي حد غير الاتنين ولكن الحديث اللي معنا فيه الاتنين ده

العدل فكل شيء في حياتك في بيتك تساوت فيه الحقوق والاشياء كده كلها شكل بعضيها تعمل قرعة - [00:11:45](#)

كل حاجة شكل بعضيها ممكن تعملوها. لكن في تفاضل بين كزا وكزا ما فيش قرعة تاخذ الافضل وما تزلمش يعني مسلا مسلا على سبيل المسال لو عندك اكثر من واحدة وعاوز تطلع تحج - [00:12:08](#)

وانت اللي هتدفع التكلفة اه هتاخذ القديمة ولا الجديدة ولا ام العيال ولا اللي ما بتخلفش ولا ولا ولا اعمل قرعة وزم الحز يطلع. خدها طيب هتتحج انت وواحدة من نسائك - [00:12:25](#)

واللي انت هتتحج بها هتتحج بفلوسها. هتبيع ذهبها تجيب فلوس مطرح ما تجيب. وهتتحج معك والثانية انت اللي هتتحج بها ما فيش قرع. ليه ما فيش قرى؟ الحدود مفصولة اصلا. دي - [00:12:48](#)

الحج بفلوسها انما الحالة الاولانية انت هتتحقق لي واحدة من الاثنين امكانياتك انت. طب افرض معك فلوس تحقق الاثنين هتعمل قرعة ليه؟ ما فيش قرعة اصلا ما فيش ليه؟ لان ده معك تحدد الاثنين - [00:13:08](#)

انما لما تكون فلوس واحدة بس يبقى هتعمل واحقرها على الاثنين. واحدة قالت لك انا هاحج بفلوسي مش عاوزة حاجة منك. خلاص تطلع. طب الثانية هتعمل قرعة له ما فيش الا تانية الا اذا كان في تالته وهكذا - [00:13:24](#)

فازا تباينت الحقوق ما فيش قرب. اتساوت الحقوق ومش عارف تميز وتفاضل يبقى تعمل ايه؟ امر مشروع سنة وليس لكنه امر مشروع. وهزا هو عدل نبينا صلى الله عليه وسلم - [00:13:38](#)

الامر الثاني كان يطيب خاطر المنكسر يطيب خاطر المنكسر دايم هتلاقي في اهلك حد منكسر امك اختك زوجتك زوجة غير زوجة زوجة نافشة ريشها والزوجة الثانية منكسرة في حد منكسر - [00:13:58](#)

ما هو اهلك كان يطيب خاطره ويحسسه ان هو معه قلبا وقالبا مش يكبر مش ينفذ ويبقى راجل شيخ وراجل صاحب صف اول وصلاة وسبحة لا لا لا الحل مع الله اذا استقام استقام مع كل الخلق - [00:14:26](#)

اما الحال لما يبقى مزيف مع الله مش هيستقيم مع حد. مزيف يعني ايه؟ ظاهره الاستقامة وباطنه اعوجات ما ينفعش ما ينفعش يا عباد الله كان رسولنا صلى الله عليه وسلم يطيب خاطر المنكسر ويعلمنا كيف تقليل اصل هي في النهاية اللي انت اللي انت تسمعها دي هي دي - [00:14:48](#)

والاسرة دي هي اللبنة الاولى في المجتمع الامة اللي اللي منضبطة يبقى المجتمع منضبط. اول لبنة معفنة واول اللبن خربانة ده يا راجل البنا اللي عنده اخلاص لما بيتناول طوبة نية طوبة وحشة بيرميها. ليه؟ يقول لك لما نحت عليها محارة - [00:15:12](#)

هترصد المحاورة. نعمل مش عارف ايه هتسيب. التوبة دي مش حلو يرميها. والبنا اللي ما عندوش ضمير بيلزقها ويحط فوقها وتحتيها وخلص هي كده الاسرة دي هي اللبنة. لما تنحط في مجتمع هتفسده لازم تكون نضيقة - [00:15:34](#)

فلما تكون اللبنة نضيقة يبقى الامة ان شاء الله. والمجتمع كزلك عن انس كما روى الترمذي بسند صحيح بلغ صفية ان حفصة تقول انها بنت يهودي فبكت الصفية فدخل النبي صلى الله عليه وسلم فقال ما يبكيك؟ - [00:15:56](#)

تبكي ليه يا صفية؟ قالت حفصة تقول اني بنت يهودي فقال وانك لبنت نبي وان عمك لنبي وانك لتحت نبي فبما تفخر عليك؟ ثم قال اتق الله يا حفصة سبحانك يا رب - [00:16:26](#)

والله العزيز يا اخواني ان اردتم اعزم زك في الوجود لن تجدوا غيره صلى الله عليه وسلم لن تجدوا غيره وان بحثت عن اعزم اب في الوجود لن تجدوا غيره - [00:16:56](#)

ابدا فعلا صوفية مكسورة ابوها قتل في الفتح خبير او في قريزة في قريزة وزوجها قتل واخوها قتل. وهي فعلا بنت يهودي ما لهاش حد في البيئة اللي موجودة خالص - [00:17:13](#)

خالص واليهود حصل لهم اللي حصل لهم هي صفية بس حفصة بنت عمر وعمر وما ادراك ما عمر شيء طبيعي او شيء مش طبيعي باع الشيء وارد وبارد بيحصل بين الضرائر قالت لها يا بنتي اليهودي - [00:17:32](#)

طب ما هي ما كزبتش حافظة وما كزبتش ولكن كلمة موجهة موجهة فبكت دخل الرسول عليه الصلاة والسلام وهي بتبكي تبكي ليه؟

قالت له حافزة بتقول علي انا بنتي اليهودي - [00:17:55](#)

يقوم الرسول يعمل فيها ايه يجيب لها يطلع لها شهادة ميلاد او وثيقة دولية يخليها شف انت بقى لو معك جواز سفر امريكي ما

حدش بيعجبك وتمشي في اي حطة. اهي دي بقى معها الشهادة من سيدنا النبي - [00:18:11](#)

تمشي في اي حطة في العالم كتب لها ايه في الشهادة بتاعتها ؟ قال لها وانك لابنة نبي ها الشهادة اهي وعمك نبي وانك لتحت نبي.

ابوها نبي عمها نبي زوجها نبي. استحلّفكم بالله. مين معه الشهادة دي - [00:18:34](#)

مين معه الشهادة دي ؟ ومن مين ؟ من الرسول عليه الصلاة والسلام مين معي الشهادة فالشرح بيقلولوا هي صفة بنت حيي بن اخطب

اليهودي من صفط وانت نازل من سبت هارون - [00:18:59](#)

ابن عمران ومين هارون ابن عمران ؟ ما هو هارون اخو موسى. يبقى ده ابوها طب ولما هارون اخو موسى يبقى عمها مين ؟ عمها

موسى وهي حاليا تحت مين وزوجة مين - [00:19:17](#)

زوجة سيد البشر صلوات الله وسلامه عليه يبقى ما تزعلش يا صفة. حد معه الشهادة دي ما حدش معه الشهادة دي يستطيع. خلي

بالك الشهادة دي مع حفصة ومع كل امهات المؤمنين هي نفس الشهادة. كل امهات المؤمنين معهم الشهادة دي. بس الرسول ما قلهمش

كده - [00:19:33](#)

قالها لمين ؟ قالها للمنكسرة للي بتبكي طب ما هو نفس الكلام طبق الكلام ده على مسلا على عائشة. ابوها اسماعيل. يبقى عمها اسحاق

مش كده ولا ايه ؟ ما اطلع فوق اطلع فوق هو الرسول طلّعها فوق. طلّعها عند هارون. وموسى ما نطلع ايش هي رخرة طلّعها عند -

[00:19:53](#)

واخوه مين ؟ اسحاق. وهي زوجة مين ؟ زوجة سيدنا النبي كلهم كده. بس ما قالش ده لحد منهم. ليه ؟ ما الزروف اللي ايه ها يطيب

خاطرهم. انما دي بتبكي ومنكسرة. فقال لها نفس الكلام - [00:20:17](#)

وخلص بقى طابت بقى نفسها وانبسطت ودمعها تقلص وخلص ابوها نبي وعمها نبي وزوجها نبي ايه ما هم كلهم كده كل امهات

المؤمنين كده. اه صلوات الله وسلامه عليه هذا رسولكم لو اردتم ان تكونوا ازواجا مثله - [00:20:36](#)

فهذا هو الطريق ؟ اقول ما سمعتم واستغفر الله لي ولكم الحمد لله والصلاة والسلام على سيدنا رسول الله ثالثا يغفر للمعذور منهم

يعني اللي عنده عزر يغفر له مش يعلق له المشنقة - [00:20:59](#)

لان قلت لك مش هتلاقي في الوجود ابدا زوجا مثله اتعلموا منه يا عباد الله اتعلموا علمه. ولا ابا مثله ان اردتم ان تكونوا ناجحين في

اسركم قلده لحد كان لكم في رسول الله اسوة حسنة - [00:21:24](#)

روى البخاري ومسلم من حديث انس قال كان النبي صلى الله عليه وسلم عند بعض نساءه فارسلت احدى امهات المؤمنين صحيفة

فيها طعام. فضربت النبي في بيته يد الخادم - [00:21:49](#)

فالسقطت الصحيفة فانفلقت فجعل النبي صلى الله عليه وسلم يجمع فلقى الصحيفة ثم يجمع فيها الطعام ويقول غارت امكم ثم

حبس الخادم حتى اوتي بصحفة من عند النبي هو في بيته - [00:22:17](#)

فارسل الصحيفة الصحيحة الى التي كسرت صحفتها صحفتها وامسك الصحف المقصورة في بيت الذي هو عنده. صلوات الله وسلامه

عليه الشاهد من الحديث يقبل او يغفر للمعذور منهم. مين المعذور ؟ هنشوف - [00:22:51](#)

كان في عند احدى امهات المؤمنين او كان في بيت احدى نساءه. عائشة فارسلت احدى امهات المؤمنين قيل زينب بنتك بنت جحش

وقيل الصفة بنت حيي وقيل غيرهما بس واحدة ارسلت طعام - [00:23:21](#)

والرسول جالس في بيت عائشة ومعه طبعا بعض الصحابة الصحيفة صلي صلي عليها من الاخر بس من الفخار قابلة للكسر. من الفخار

فالخادم جاي من عند السيدة اللي هو ام المؤمنين اللي بعد الطعام هدية للرسول والضيوف عليه الصلاة والسلام - [00:23:40](#)

في صاحبة البيت اللي هي عائشة الخادم قبل ما يحط الصينية او الصحف قدامهم ضربت ايده قامت موقعة الايد مش ضربت ايد

وعفوية لأ معروفة بتعمل ايه عارفة بتعمل ايه مش مسلا هي ماشية لطشت فيه تفسحه لا لا لا هي قصداها - [00:24:08](#)

قصدها ومنشئها على ايده عشان توقع الياه الصحف وقعت انكسرت الرسول عليه الصلاة والسلام يلم اجزاء الصفحة المكسورة ويحط فيها الطعام هو اللي قال طب ما كان يقول لاي حد من الصحابة قم يا فلان اعمل الموضوع ده - [00:24:29](#)

تفاصيل الحديث ما قالش مين اللي كان قاعد معه اغلب زني ان كان ابو بكر قاعد من ضمن القاعدين. انا افهم كده بالحديث لكن ما قالوش قم يا ابو بكر - [00:24:46](#)

هو اللي قام بنفسه ويلم الطعام ويلم الصحف على بعضها قطعة. وبعدين هناك هناك برضه بعد ما عمل كده قال غارت امكم غارت امكم. يا سلام كده على طول؟ ايوة. ولا ملامة؟ ايوة - [00:24:59](#)

ولا عتاب ولا عتاب ولا الضرب ولا الضرب ولا اي حد خالص ولا اي حاجة خالص اهدى بقى دي الرجولة؟ ايوة. هي دي القدوة والرجولة القدوة والرجولة؟ ايوة قدوة ورجولة. اذا كنت اردت قدوة ورجولة. اما اذا اردت همجية وجاهلية يبقى في حاجة تانية غير كده - [00:25:24](#)

قدوة ورجولة؟ ايوا. بيوحه الكلام لمين؟ بيوحه كلام للي قاعدين في المقام الاول والامة بعديه اصل غلط امكم دي مش خاصة بالحاضرين. ده ماشية لحد يوم الدين غارت امكم امكم؟ هيا - [00:25:51](#)

ده عائشة لما توفي رسول الله صلى الله عليه وسلم كان عندها تمتناشر سنة. تمتناشر سنة. يعني اي واحد قاعد في ابليس دي هي امه لو ابوها قاعد الصديق قاعد هي امه برة امه وجوة امه - [00:26:12](#)

وكل امهات المؤمنين كده حفصة بنت عمر وام عمر وام عمر كلهم كده. عائشة بنت الصديق وام الصديق. غارت امكم الكلمة دي اقسم بالله لها دلالة عظيمة جدا جدا طب ما يكون ما يقول غارت عائش - [00:26:31](#)

غلط عائشة هي عائشة فعلا وما ما ما قلش حاجة غير غير حقيقية. هي عائشة غرض بنت الصديق تمشي برضو لأ. امكم. ليه بقى لان امكم دي اي واحد جالس او هيسمع الحديث بعد كده او هيقرأه - [00:26:57](#)

لازم يقف انتباه. وزى ما بيقولوا يعمل تعظيم سلام يعني. ويلتزم انه بيتكلم على امه فشوف امك اللي ولدتك توقرها ازاى وتحترمها ازاى واضعاف اضعاف احترام امك اللي ولدتك يكون احترامك لعائشة - [00:27:23](#)

ما حدش دماغه تروح شمال ولا يمين. غير مين؟ دي امي. معقول؟ ايوة تكسر الصفحة جاهم هداك الف ليه لان الرسول عليه الصلاة والسلام بيعلمنا يا اخوانا في حالة الغيرة دي يغفر للمرأة - [00:27:53](#)

ده محبوب العقل مغيب تعمل اشياء غير ارادية. اعمل اشياء غير محسوبة في حالة الغاية دي يبقى في حالة الحيض والنفاس والحيض بالزات فيه تعليمات وترتيبات لها تفاصيل مش وقتها. الغيرة اشد بقى - [00:28:16](#)

الغيرة اشد ليه تتصرف المرأة بدون وعي؟ فده عذر. عذر ايه؟ عذر فطري. مش بمزاجها ابدأ عذر فطري فالرسول بيعلمنا المعزور ده يا اخوانا تحملوا المعزور ده اغفروا له. المعزور ده طولوا بالكم عليه شوية. ده ما لمهاش - [00:28:39](#)

ما قالهاش ايه ده يا عائشة طب هي حسنت ان هي مسلا ما احترمتش الرسول احزر علشان كده قال امك لو هذا المفهوم ما يجيش في زهنك ابدأ. ان ما وقرتش الرسول لأ بتوقره - [00:29:07](#)

وبتعززه احسن منك مليون مرة. اومال عملت كده ليه؟ معزورة. يعني ايه برضه معزورة؟ هي الفطرة كده. ربنا خالق الخلق كده فعلشان كده لا ملامة لا لها ولا لابيها ولا لاي حد. وبعدين يحمل الجالسين المفهوم الجديد ده - [00:29:25](#)

غارت امكم رغم السن ايوة طيب ما فيش اي حاجة ما فيش اي تعقيب منك يا رسول. لا. طب دي مجاملة؟ لأ. ما فيهاش مجاملة. والله العظيم ما فيها مجاملة. بس - [00:29:45](#)

يحطوا كل حاجة في مكانها. ده دي امور شرعية يا اخوانا. الرسول مش هيجامل على حساب الامور الشرعية. مع انها كانت في سفريات معه شفحة الواد بسبب سفرياتها معه. ابسط شئ حادس الالفك. يعني لو القرعة كانت طلعت على حد ثاني في حادس الالفك - [00:30:01](#)

غير عائشة كانت هتبقى فيها رحمة. يعني اللي لو سافرت معه في غزوة بني المصطلق اي واحدة من امهات المؤمنين غير عائشة

كانت هتبقى فيها رحمة نشرب خالص الثانية تشيل المصيبة دي - [00:30:21](#)

انما قدرا عائشة اللي تسافر في السفرية دي ويتقال عليها الكلام ده وتشوف الويل بسبب الموضوع ده. هي واهلها هي واهلها. ما فيش مجاملات لأ. لما اقول غارت امكم مش مجاملة لا لها ولا لابيها ولا لاي حد. بيعلمنا يقول لنا ان في لحظة الغير - [00:30:33](#)

يراضيه المرأة مش شايقة راسها من رجليها ولاش شايقة اللي فوق ولا اللي تحت ولا اي حاجة خالص يغفر لها الموقف وبالراحة وبهدوء وكل حاجة ايه تتعالج فعالج الاكل لم الاكل وكلوه بالهناء والشفاء - [00:30:53](#)

وعالج الموضوع ايه؟ الصفحة انكسرت خلاص. افضل هنا الخادم اللي جه مكانها يجيبها ويرجع. قال له اخليك قاعد لان الصفحة انكسرت. خليك كده عقبال ما نجيب لك واحدة سليمة وجاب له واحدة سليمة من عند السيدة عائشة خد دي وارجع بالفارغ الحلو

السليم دهوه جزاكم الله خيرا للي باعتة لنا الياه - [00:31:11](#)

الاكل طبعا كلام الرسول حاله في اهله هيطول شرحه كتير كتير من المواقف لكن يعني اخترت هؤلاء السلاسة لعل فيها فائدة ان شاء الله ونفع. اسأل الله العظيم رب العرش العظيم ان يردنا الى دينه ردا جميلا. اللهم ردنا الى دينك ردا جميلا - [00:31:31](#)

اللهم ردنا الى دينك ردا جميلا. اللهم من ارادنا وديننا وبلادنا بخير فوفقه لكل خير. اللهم من ارادنا وديننا وبلادنا بخير فوفقه لكل خير. ومن ارادنا وديننا وبلادنا بسوء فاجعل كيده في نحره. واجعل - [00:31:54](#)

تكبيره تدميره. اللهم ارحم عبدك وابن عبدك وابن امتك رحمة واسعة. اللهم يمن كتابه ويسر وثقل ميزانه. اللهم انس وحشته وارحم غربته وفرج كربته. ربي ان كان محسنا فزده في احسانه وان كان مسيئا فتجاوز عن سيئاته - [00:32:14](#)

اللهم باعد بينه وبين خطاياه كما باعدت بين المشرق والمغرب. اللهم نقه من خطاياه كما ينقى الثوب الابيض من الدنس واغسله من خطاياه الماء والثلج والبرد. اللهم شفّع فيه الصيام والقرآن وسيد الانام. اللهم شفّع فيه القرآن والصيام والسيد - [00:32:40](#)

دام واسقه بيد نبيك شربة لا يظلم بعدها ابدا. ربنا لا تفتننا بعده ولا تحرمنا اجره واغفر لنا وله. اللهم ارحم موتانا وموتى المسلمين. اللهم ارحم موتانا وموتى المسلمين. امين امين. وصلي اللهم وسلم وبارك على نبينا محمد - [00:33:00](#)

اذكروا الله يذكركم واشكروه على نعمه يزدكم واقم الصلاة - [00:33:20](#)